


藏書百錄

藏書百

素璞回



藏書百詠敘

伊昔墨客懷古攬勝彙數十百詩爲集流傳著錄代有
其人若媵詠一事一物論詩自遺山已下亦無慮十家
書畫則米庵百一詩論畫絕句觀畫百詠金石則八磚
唵館刻燭集清儀閣雜詠鈔印則論印絕句續語堂論
印詩泉布則論泉絕句古泉雜詠駢驥并駕彪炳藝圃

獨書林一科祇長洲葉氏以藏書紀事詩掉臂其間孤
纊自張眇然寡儔昔欲踵其後塵爲齊魯藏書紀事詩
人事旁午迄無尠暇曩歲偶拈藏書十詠布之館刊吾
友仲采見而興發以一來復爲百截句署曰藏書百詠
抑詩壇之神勇者矣仲采藏書自卯角始由珂里而津
而故都而豫而閩粵而江浙而齊魯閱三十餘稔行數

十萬里日走冷攤僻市蒐獵典墳如饑如渴冒風雨霜
雪不顧也清俸所入半以輸入攤肆日供不足或典衣
縮食乞閨房之釵釧用繼其後人嘖嘖笑爲癡迂亦不
顧也每得一書必裝飾精整退食之暇與曼蘇夫人坐
鰈研居校讀其中丹黃雜錯一燈熒然時有曼聲長唸
續續發於簾幙環顧四壁琳琅十數萬籤部別甲乙如


曹倉如鄴架東武歸來堂後殆塵見矣昔余嘗謂書必
中心愛好自購自藏者其情方親啓鑿楹而坐受於人
終無與也又必日累月積出以艱辛困苦其趣方永斥
萬金而連楹充棟亦無與也仲采耆書正從一萬四千
日中以藏以修以息以遊念念塵塵千迴百折而出其
情親故言皆有物其趣永故語必中程周覽乎燕齊八

閩間關萬里雪餐風餐胼胝手足以與卷軸周旋悲歡
得失之情沈酣夢寐之狀驀然返觀一一如啖諫果如
探囊橐藏之心而諗之審一觸其機藻思湧發遂若長
江大河奔騰澎湃競赴腕底不旬日而百首詩成亦素
所蓄積使然也讀馬班傳記便欲歌欲哭展雲漢北風
圖便乍冷乍熱循仲采此編亦如幻身其間晤言坐對

揭四十年之甘苦歷歷相告善哉善哉繼長洲之宏軌
彌藝林之闕憾矣詩無註其長君家驥承學有文將仿
劉氏論泉絕句例述藏書故實使家驥注之屬余先敘
其端余以藏書數詩爲仲采十駕意不能釋也桑海洵
更孤况無屬行當賡爲齊魯藏書紀事詩用引其緒借
大雅之扶輪爲小山之承蓋異日有持一卷詩中夜打

門而餉君索紱者其必是書也夫二十六年十一月琅

邪王獻唐



—

序

書契之作尙矣人文成化積數千年而載道紀事林林
然英華日新繁縟紛綸不可勝計然自秦迄隋歷五厄
焚蕩於黃巢播遷於金狄抑又甚焉雖作者相繼代有
篇章劫後窮搜猶存煨燼而亂離瘼矣捃摭綦難非有
好古敏求者不能略窺學海之津涯而爲書籍主也文

安邢氏世守儒業傳家初惟經史故所藏僅一千五百
卷洎吾友仲采幼稟異質嗜讀倍於常兒偶趁村集涂
拾壽者傳一卷且行且讀忽悟益人神智不獨墳典爲
然於是旣盡讀家書復立志旁求所未見者少壯游學
客上都友士多聞詢翫秘籍遂博通衆流百家之言學
成筮仕得食官祿節縮諸費一以收書南之閩粵北走

齊梁馬背船唇皆與書共日月積之浸而夥頤其間經
歷坎軻悲歡失得亦惟書幾以書徇者數矣俱幸輒全
嘗自謂於書最有緣非調辭也頻年宦魯蒐集不倦簿
最餘晷惟文獻是徵一書入手則夜觀晨誦至忘寢饋
又精鑑別勤校讎喜問辨事鈇刻護惜縹緗修治補綴
如恐不及嘗自謂於書頗有功非誕語也邢子旣悉心


力菲衣食以治書垂三十年先後所獲以卷帙計近三十萬軸較諸鄴侯之家且十倍焉顧不以此自豪間爲小詩自道其與書因緣離合之迹適得百首每於一詩綴數語爲小序分述概略其長公子家驥錄而存之私爲註記而就質於予予與邢子交久且摯於其藏書始末知之甚確讀詩與小序壹是皆事實也因勸雕梓邢

子以爲未可曰方吾之收書也或見陵於豪強或受欺
於黜儉或摧殘於酷吏或崩析於叛卒此吾書之厄譬
之創巨痛深未能無呻吟也故詩亦未爲之盡諱今其
人半在吾惟聚書敢聚怨乎予退而讀詩中失書訟書
嫌書鬻書典書諸作信然他日謂邢子曰吾見君之苦
心矣雖然竹帛之功當圖與世共之世士好古彝鼎之

求甚於書籍非有他也未審所當貴所當急者尤在德
衰經紊文史掃地殆盡時也獨樂不如與衆獨善不如
與人則詩可以興安用自秘爲盍姑去小序與註以有
待而先刊君詩爲世士倡乎且以誌海桑之廢興備藝
林之掌故則雖成於亂離之頃蕩析之會較諸處園城
中講老子綴詩餘者固不可同年語矣昔子魚藏書不

患身危亦曰知吾者惟友秦非吾友吾何危哉邢子聞
予言亦默無以難也竊幸其見警自忘閤陋與於斟酌
之役刊成爲之序其始末於此民國第一丁丑十一月

望日照李肇禔



五言代序一百六十韻

人生各有癖孺子寧自知字聞虞寄辨書許竇威癡

書癖

家傳千百卷世守如宗彝斯文欣未喪與俗忘相宜

書守

憶昔方童卯解讀聲啞咿趁墟觀遺帙展卷對晨曦

書拾

總髮就外傳負笈走中逵坊刊偶及賃院秘詎容窺

書賃

窺斐然一鬢僞徧撫六經碑仰面看東壁光芒殊未衰

俶知志探討書探策府不勝披書覽誓將性命徇那惜皇甫

羸書淫橫流忽已集抱願恆恆積塵滿高棟如封閣上

絲書懸頗思王仲任難學裴諷之借常求副本書借還欲答

雙甌書還永和惟素產安國無長貲爲山始平地聊亦試

蘂裡書儲汲古若爲綆蒸沙不作糜得書勝得食文史甘

于飴書購時哉適我願履信以爲期書賒所期有未逮對之

空朵頤澁書中宵勞夢寐使者曰元夷宛委山可覩遙指

天一陞夢書攘袂承金簡抱書連鑣載繡褉馱書膝囊逐輕楫

去去沙塘陂會當凌滄海遠致日南葵囊書航書宦游溫昨

夢儻忽歲星移彭城眞名士談笑騁奇姿來從九天上

一戰定雄雌起予磨盾鼻草檄何淋漓先收秦圖籍復

見漢官儀收書分書及唐瑾兩車安足辭俘書兵間易剖散

墳典以陵遲玉弢徒半在失書鐵騎與窮追追書海疆回亥

步書畫算南資歸書金臺權稅駕石室忽投鋌發書生逢離

亂世複壁可藏岐名山無窟穴居處且塗茨壁書我躬疾

係遯驅走緣調飢量書或論秤買紙忍爲炊權書陳編常

載念動受市兒欺矢金初訟直訟書珠米復生疑嫌書物尤

天固靳命蹇數多奇知交有投報亟拜禮無訾受書覲顏

行強丐書稱意坐相馳易不教長假借生怕久參差書

一朝被奇禍侘傺爲湘纍食苗貫碩鼠毀室任梟鷗舍

書無可鬻泣涕空漣沔書典錢看屢盡回首咽餘悲書

或誤邨中媪或遭竈下廝剪裁向扉屨燔燬隨屣屣書

燒哀哉丁此厄神鬼難護持伊余襤襪子臭朽劫餘吹

身窮翻志逸道大欲肩仔習聞東海曲迹未湮孔姬人

文昔所萃風教今尙維冀心耽素業弭首就塵羈公私

多載籍稍稍窺藩籬思從千載下奮起求厥遺餼牽幸

不竭淹久逾五朞蒐徵雖罄局

徵書

遠道亦見貽

郵書

山淵

慎采伐斟酌吐其醜

剔書

故家有衰落異本人睢睢黍書

與瓠史古拙皆神奇光華生案几心目共融怡

賞書

藝檀

可三瓣下酒輒千卮

觴書

玉原非鼠朴紙合是陟釐尋從

常景訪書訪更擬張華咨問書問勤勤不敢廢善善以爲師自

茲頻考校所得遂倍蓰辨書亦有出塵垢拂拭不爲疵振書

亦有脫篇簡鳩集終補治補書亦有收片段紬綴如僧緇

衲書亦有合斷爛葉子相附麗褶書亦有采新異或益十朋

龜裝潢重狎獵緣飾紛陸離裝書識當濡玉印遇欲繫金

柅鉢書部分第甲乙軸帶帙籤垂籤書編題有班列次書緘度

藏書百詠 四一 鑿研居

無傾欹皮書撫華將食實佔畢意何居文字每親校讎對

呼家兒讎書醞醞味雋永涉筆朱黃摛圈書微言助闡發

密字寄論思劉精兼崔博詎信我能爲批書詠河溯原

委聞籟狀畏佳跋題詔來者喜讀當如台跋書巾箱恣繙

閱鉛素相追隨北堂期備用遑恤右手胝鈔書油拳渾影

宋青紙乍摹隋影書刪繁歸簡要摛書輯錄定宏規輯書分門

拓印本津逮豈小裨印書窮儒無功澤宿願在剗劓書鏡吾

廬不厭陋小築河之麋積書納楹柱流香溢寔宦楹書由

來臧室史勝似銀臺司三十萬餘卷差足子孫詒戒之

以敬事寶惜逾瑤琪惜書羅羅正副貯祓飾無纖疵理書振

塵旋向曝秋陽方赫羲曝書染黃入紺縹馨逸奪荃蘼藥書

盡日看不足盥誦露華滋觀書暫忘欲焯掌細檢故撚誦書

髭檢書縱橫勞祭獺辛苦愛探驪攤書讀書憲有得至味泐

心脾老羌大酒渴學士空肚皮須澆壘塊盡意行化瑰

琦澆書三寫帝成虎一足蚊憐夔齟然開笑口此樂盍思

惟思書行年過四十顧被寸祿縻蓄書難竟讀曖曖日西

馳目耕焉可息官舍卽東菑補閒出襟袖甯避俗人嗤

袖書興言效甯越休臥猶孜孜百家供枕藉伏誦閣引錐

枕忘年如孔禰潛心淵與尼饋貧萬鍾粟獻瑞九莖芝

善書樂奉奏獲益共僣僣

獻書
賚書

朋交此縞紵

贈書

昏嫁此

匱匱也隨檀施便從未津梁疲

捨書

願資礪錯用十駕

杗駑騏我生若方柄此物尤鈍椎叢殘雖滿載鍛羽奈

差池何因持半照胖合明不虧

合書

何因脫殘燹依庇石

倉采

託書

逸情同賭墅酬據劇于棊

賭書

矜奇且角勝

較書

隱

諱故謙搆

諱書

所悲妄作踐觸目森創痍

愍書

桐琴焦近尾

蠅糞點成玼逝波望洋盡劫火委灰彌散亡天不管無

語垂涕洟

悼書
哭書

禮樂久崩壞家國重憂危讀書遺種子

遑問是何誰圖存爭一髮潔誠親禱祠矢言永相保記

取文在茲

盟書

歲時虔設祭尊俎我能尸士林良濟濟儒

服一委蛇

祭書

縱觀敞芸閣排次接蘭墀

展書

善藏無鏹鑰

道不囿吾私

書公

餘年晏然樂長傍春臺熙書中疏世網

白首不逢罹

書德

亦堪託衣食蒲牒作生涯

書業

朝夕專刊

校老死無荒嬉遠述丹書教閒吟黃絹辭小詩脫自口

舊事朗如眉粗能道崖略不復理文詞

書詠

阿舒故懶放

侍我讀書帷頗亦弄紙筆不甚辨妍媸近來忽解詠癖


好總隨伊謬云詩句好屬事類可推排日覓詮證贅綴

如冠綏間非一無取吾意但施施春婆自說夢立論不
嫌卑前塵經衆目敢信無昏眊知音存海內息息鍼投
磁言筌吾已涉汝勿侈駢枝流星入昴後赤虹化玉時
精神棲短卷光景付長噫刊詩如待序序我五言詩

藏書百詠

文安邢燕
仲采

癖書



生小耽書喜問奇
因緣能說憶吾師
葑溪題字依稀是
十友東莊某在斯

守書

藏書百詠

一

鯨研居

一千五百卷遺書門業相承辨魯魚後梓前橋勤講肄
墨莊世守此權輿

拾書

村西趁哄侶羣兒挂角何人一帙遺不是兔園新策子
頗疑天與壽書癡

賃書

春明坊裏儼居時
比舍青編未倦披
鎮庫也曾容我賃
不孤藜火與松枝

窺書

殘夜挑鐙臥未舒
疾披怪牒道人居
何如身隸集賢院
六載長窺未見書

探書

藏書百詠

二

鱗研居

多藏願得友桓譚大隱還尋柱下聃廿載交游蹤跡慣
西陽禹穴不勝探

覽書

清閼蘭臺昔未開偶過洛肆重徘徊而今嬾挂看花眼
日向書林更幾回

淫書

幾齒樛蒲幾道碁昔賢儘有未曾窺
眠餐常爲淫書廢
拋撇春光下董帷

懸書

橫流晚近欲襄陵
思挽狂瀾力不勝
隨分且宜高閣束
屋梁仰見裏魚鱗

借書

藏書百詠

三

鱗研居

萬卷生塵尙海隅風宵霜曉意踟躕載書不惜借人看
心折岐亭監酒胡

還書

入手韋編慎護持解憐意更重還紙衣裘共敝元無憾
後學津梁不可疲

儲書

典章掃蕩欲無餘故紙飄零死守愚我較鄙儒愚更甚
節衣縮食獨儲書

購書

清俸無多擲節餘論車富儷惠施書日增月益今充棟
也擬營堂號遂初

賒書

藏書百詠

四

一
鯈研居

誰信家無儋石儲古香四壁子雲居但賒未肯虧公粟
沈立當年不我如

涎書

在官半爲讀書傭秘閣何年直李邕汗簡香浮還勝麴
不應但羨酒泉封

夢書

六候都緣積想因宮亭授紙衍波新夢中一卷吞丹篆
詰旦眞來拊掌人

抱書

恃書爲命久因依暇日長街抱負歸舉此不嫌吾力薄
保殘守缺儻無譏

馭書

搵束歸鞍信蹇蹠相陪簞笈走燕齊宦游笑比僧行脚
白馬來從身毒西

囊書

常伴牙琴臥錦囊不煩他送越中裝趙家論語猶醫國
經驗吾儒肘後方

航書

一夕霜欺幕府蓮鷺江駭浪拍舟舳普慈築閣身如夢
差幸琴書偶得全

收書

收秦圖籍有文終錄錄偏成最盛功往事思量增腹痛
閩中約略似關中

俘書

宛委山南較獵雄公私簡素比研縱三家詩考今猶在

嘆息蕭條徐泗空

失書

霞江戰陣若屯雲暮倚書樓望楚氛金石錄成歸叛卒
滕囊帷蓋故將軍

追書

遺簪墜屢總關情十日追胥得主名阿堵中尋大手筆

朱鉛題記最分明

歸書

渭南投老向書巢五鳳歸飛聊解嘲感到飄零收贖苦
不如深錮舊衡茅

發書

輭腳剛過零雨濛
驚探書窟煖床中
紫文金簡隨緣見
怪底共王欲廣宮

壁書

欣然故物譜遺山
一樣藏書向壁間
僥倖終逃兵火劫
柴門綠繞水聲閒

權書

魏冢流傳數十車安陽斜日冷靈墟尙堪如菜論斤賣
問歲知應勝煮書

訟書

禮經聚訟笑諸生雅物何嫌君子爭記向春申江上住
褊心曾作不平鳴

嫌書

薄宦何嘗愧素風
鬱林石勵陸龜蒙
圖書以外無南物
薏苡明珠故不同

受書

投分當如札與僑
區區縞紵勝瓊瑤
西楊厚感儀之意
拜賜時還折此腰

乞書

大呼欲墮據船舷
求取如斯怪米顛
耐可旁人嗤乞相
不成任達豈高賢

易書

澤木山魚通有無
美人換馬事非誣
笙簧六籍憐同調
如願將歸不用呼

索書

守器如何陋挈鉞三癡那復有常形潁川士子知多少
無賴侵漁到九經

鬻書

翁舌誰哀杼柚空好歌刺暴極飄風此時忍淚難爲別
不似傳書杜大峯

典書

長物無多典到琴
質錢充食我何心
書生自飲燕丹恨
馬角烏頭感慨深

剪書

鞵幫鞵樣爲誰裁
追憶前塵笑覆盃
一篋一炊千古恨
至今焦尾惜琴材

燒書

東指玄枵星野分非關諫草不須焚六丁下取緣何事
帝所驚訛是禁文

徵書

起追百宋與千元駿骨非無價可論物色幽微心獨苦
淺淺束帛賁邱園

郵書

西風雁字數行斜
萬里雲羅路苦賒
盼到帛書初繫足
可曾並寄密蒙華

別書

誰從同器別薰蕕
瑣語譚言類聚求
未肯饒人紅勒帛
置身百尺讀書樓

賞書

藏書百詠

十一
——
鱗研居

洗杓焚芸意未闌賞心倍惜得來難歡然相對鬚眉古
寶劍瑤琴一例看

觴書

醉誦酣吟雋味長漢書下酒我非狂也應築室桃花塢
遮斷諠闐日舉觴

訪書

故家門巷屢經過竹帛烟銷感喟多
蛛網塵封誰管得
幾番惆悵式微歌

問書

紛紛質鼎出良模探路應求照
乘珠借問前頭津逮者
煩君指點定圓觚

辨書

煞費蒐亡剔隱來繙拳版本重疑猜獨精考校無疏略
始信雲林是美才

振書

避秦一例翳蓬蒿斷簡生苔紙有毛麈尾辟塵犀辟水
殷勤拂拭不辭勞

補書

魏書黃筆詎虛譽
蔥餅招邀共補書
不以豐凶廢穠褻
士安新借又盈車

衲書

趙璧能完事
偶然秦埃吹散不成篇
零紈斷素安排後
我欲裁衣學水田

禡書

歲久旋風葉葉秋鷄林小紙費綢繆裝池恰好粘蝴蝶
莫認存心忤魏收

裝書

南樓北史世相高裝綴金題與玉弢夾漈八求初不易
手治良產付兒曹

鈔書

鴻爪留痕印雪泥自家朱記隱端倪美人黥面休騰訕
好覓臯橋舊日題

籤書

黃絹籤條長短齊區分甲乙細標題離披異色連牙軸
囑咐奚童慎取攜

次書

百千萬種列如眉輯略功成自國師任是建章門戶別
茂先不假按圖知

皮書

遮莫人譏不坦夷歸來堂上趙侯癡皮藏我亦拘繩尺
負版搬薑祇自疲

斲書

秘省不來張正素慶湖惟有賀方回三餘親手鉛黃徧
開卷眞成錦繡堆

讎書

心力閒拋事汗青問疑有子恰趨庭不教輕改金根誤
雛鳳聲清老鳳聽

圈書

好語如珠字字圓聖人先我落言詮文章軌範師心處
隨遣朱黃作態妍

批書

大義微言邈莫聞辰翁虛谷但評文陽秋一部存皮裏
豁眼蕭疎五朵雲

注書

古人真意定何如門戶渾將漢宋除
緯史經經皆注腳
閒情聊亦疏蟲魚

跋書

海內曾傳佞宋人源流本末道津津
心營目識吾何有
一跋權爲書寫真

鈔書

筆爲鉏耒紙爲田雪案風簷毒惱蠲蚤暮白籐拾笈子
平添十幅雁頭箋

影書

單邊肥細樣輕描太乙星精若可招且欲化身千萬億
三旬宋槧出新雕

擷書

千尋學海羨何休
摘豔熏香筆底收
料理六經爲夏課
廿年一讀或能周

輯書

天祿琳瑯萬卷該
何曾黎棗怨徒災
華林編略憑誰定
收合叢殘付後來

印書

著書強半出窮愁提槩懷鉛孰爲謀但得長卿遺札在
空居足應所忠求

餒書

積書積善兩詒謀雅事南皮寓遠猷奈是家錢貧不辦
母公宿願未全酬

楹書

竹帛安知身後名
幾家舉火待臣嬰
納書計欲通君賜
不爲私親鑿此楹

惜書

跋尾留題似杜暹
子孫珍重護緗縑
一般方冊油拳紙
敬慎休教手汗霑

理書

疊窗列架足家緣三萬牙籤取次編誰似青州舊從事
九天上有掌書仙

曝書

晴秋曝腦輒因仍獨樂園今當羽陵不學郝隆徒曬腹
便便經笥亦何曾

藥書

閒抽積帙自添芸要策長恩翊贊勳
檠苦章香熏沐罷
仲能脈望漫紛紛

觀書

靜夜鳴鐘輒徹余寸陰惜取日之餘
然蒿如爇光明燭
不用江南嬾婦魚

誦書

晨興盥露浥薔薇昨夜王通未解衣
剛日讀經柔日史
邇來更喜簿書稀

檢書

書田元不廢耕耘汲古功深四體勤
插架未安燒燭短
尋常料簡到宵分

攤書

讓他裴頴少知名武庫縱橫萃五兵鱗次案頭供獺祭
瓣香敬爲玉溪生

澆書

書熟宜將卯酒溫古人糟魄亦和吞凍醪備作澆紅宴
願與梅花策萬言

思書

日思誤書亦一適此言顧氏借名齋衛人讀史驚三豕
留與東方助口諧

袖書

朝攜袖底古香微伏案光陰與願違偷得餘閒開卷益
衙參纔罷吏人稀

枕書

投閒紆體向衡門
枕藉經書夙好敦
攤飯冥思姬孔事
欣然微覺道猶存

獻書

下交不瀆見虛襟
象齒元龜效獻琛
獨有千秋金鑑錄
憑君斟酌取古人心

賚書

小友祇應呼李泌聖童若個比張堪吾書極願遺來者
遙指廬山白石庵

贈書

瑰姿瑋質識人豪不惜臨分脫寶刀書籍文章當盡與
應知眼較呂虔高

匳書

詠絮清才勝道鹽布帛竹筍儉何嫌父書四百餘篇在
便是中郎嫁女奩

捨書

無盡燈然夜不冥貝多百番寫金經琴泉瑟瑟藏功德
化作蓮華異樣青

合書

劫後書同敗葉飛豹班鼎鬻意多違會看神劍臨津合
趕廟時光帶笑歸

託書

震風凌雨遍天涯覓得瑯嬛福地遐終向洞宮求芘賴
癡心何止一張華

賭書

扇合齊紈簟五花勝心未泯愛徵瓜閨房有過畫眉事
笑指書堆賭飲茶

較書

鼎彝圖史古爲徒崇愷爭豪有此無竹簡蝌文考工記
論長亦足敵珊瑚

諱書

藏書百詠

二十三

一 鯈研居

奇觚難饜勢家求矜物驚爲階禍由莫怪論衡供秘玩
匹夫懷璧亦吾憂

愍書

東塗西抹見童心道是文人結習深未忍佛頭重著糞
幾回掩卷起沈吟

悼書

舊家溢篋復盈箱散作雲烟枉斷腸惆悵遲來看羽化
世間難覓返魂香

哭書

花朝釋菜祀文昌一涕空山臯羽傷東壁星昏投隔海
荆凡何暇問存亡

盟書

息壤他年證此盟子孫遞守舊書城得來辛苦應憐我
日日無忘香火情

祭書

歲除親展祭書圖似此儀文曠代無勞我精神宜酒脯
浪仙嘉話起羹夫

展書

云云籍籍總包羅三十車書未算多貴耳不應翻賤目
翱翔書圃借觀摩

公書

不當鴻寶一家私要與窮儒療渴飢無執他時儻無失
猶龍此意殆堪師

德書

藏書百詠

二十五

鐮研居

清貧兩字穀消災不逐吳兒賣却歎
懶瓚門堪泥水閉
扁舟隨處有春臺

業書

誰訪南湖舊草堂河山半壁慎行藏
老儒活計艱於蠹
率性來充書籍行

詠書

半生事迹百篇詩北彥家風薄海知無忝建安眞雅士
抗心上與古人期

丁丑仲冬文
安邢氏勣印